

25 MAC 2021 (KHAMIS)

Tong sampah kalis monyet

KUANTAN: Majlis Bandaraya Kuantan (MBK) menempatkan kira-kira enam 'tong sampah kalis monyet' dalam usaha menjaga dan mengekalkan kebersihan pusat peranginan Teluk Chempedak, sekaligus mampu menjamin kesejahteraan pengunjung.

Tong sampah khas yang diletakkan di sepanjang persisiran pantai, dianggarkan bernilai RM300 setiap satu merupakan produk terkini Kumpulan Inovatif dan Kreatif dari Jabatan Landskap MBK.

Ketua Seksyen Perhubungan

Awam dan Korporatnya, Norkamawati Kamal berkata, tong sampah khas itu dicipta agar tidak boleh lagi diselongkar oleh haiwan khususnya monyet.

"Dengan penghasilan tong ini, kita percaya mampu menangani isu sampah bertaburan berpunca dari haiwan terabit. Ini satu inovasi rekaan bagi membolehkan sampah seperti bungkusan sisa makanan dapat dibuang.

"Terdahulu, kawasan tumpuan orang ramai ini sangat kotor disebabkan kehadiran monyet liar yang menyelong-

kar tong sampah untuk mencari makanan sehingga merencatkan pemandangan," katanya kepada *Utusan Malaysia*.

Menurut Norkamawati, inovasi rekaan tong sampah itu bagi membolehkan sampah seperti bungkusan sisa makanan yang dibuang pengunjung tidak boleh diselongkar haiwan terabit.

"Kalau dahulu, kita menggunakan tong sampah biasa... monyet menyelongkar makanan dalam tong sampah itu sepanjang masa," katanya.



TONG sampah kalis monyet yang diletakkan di sepanjang Pantai Teluk Chempedak, Kuantan. - UTUSAN/DIANA SURYA ABD WAHAB